

Mi kièr pa abo sa e **Bèrdat** di **Dios Tata** su **Promesa Eterno**. Den nos bida **Eterno**, ta **Amor** ta e úniko kos ku ta importante.

Dios Tata su **Promesa Eterno** ta pa semper, no tin final, **Eternidat** ta pa semper. Awor **Dios Tata** su **Promesa Eterno** tabata duna den **Hebreo** anto si abo no ta komprendé **Hebreo**, un otro hende lo mester tradusí esaki pa abo. Anto aki nan e **Problema** nan a kuminsá. Ora nos tradusí **Hebreo** den otro idioma nan manera Ingles, Spañó, Hulandes òf Papiamentu nos no por kapta tur e esensia nan tur ora.

Yeshua a bisa den **Mateo 5:17**; **No pensa, no imaginá, no konsiderá, no suponé, no rekordá, no kere, no konfia, no komprendé, no disidí** ku **Ami** a bini pa **kambia, anulá, desmentí, kibra, tumba, abolí òf kita** outoridat di e **Lei** òf e **Profetanan**. Despues **Yeshua** a bisa un par di biaha; "**Boso** a tende....., ma **Ami** ta bisa **boso**....."(**Mateo 5:21-47**). Den e versíkulonon aki **Yeshua** a splika kiko ta e **Bèrdat** di loke tin skirbi den **Eskritura Hebreo**. **Eskritura Hebreo** ta konsistí di e 5 bukinan di **Lei**, e bukinan di e **Profetanan** i e bukinan di e **Eskrituranan**. **Eskritura Hebreo** ta loke ta wòrdu yama e **Tèstament bieu** den un Beibel.

Ta pa esei ora ami **no konsiderá, no kere, no konfia, no komprendé** mi por **disidí, pensa òf imaginá** ku e **Promesa Eterno** a wòrdu **kambia, anulá, desmentí, kibra, tumba, abolí òf kita afó**. **Yeshua** a bini pa **Redenshon** di abo i ami. **Yeshua** a bini pa **Ratifiká, Rektifiká, Renová, Reforma i Restourá** e **Promesa Eterno**.

Ora **Dios Tata** hasi un **Promesa** semper **E** ta kumpli ku e loke e **Promesa** ta. Por dura un aña òf kuater aña. Ami a mira **Promesanan** bira **Realidat** denter di un aña, pero tambe despues di kuater aña, asta un ku a bira **Realidat** despues di mas ku dies aña. E úniko manera ku ami por a mira mi **Promesanan** bira **Realidat** tabata dor di **tene nan duru**, keda den e **Amor** di **Yeshua**, **Proklamá** mi **Promesanan**, keda den **Obediensi** na **Dios Tata** i tin **Pasenshi** pa mira mi **Promesanan** bira **Realidat**.

E **Realidat** ta ku ami mester tin un **Relashon** ku **Dios Tata**, pasobra **Religion** no ta **Boluntat** di **Dios Tata**. Ta di **Religion Yeshua** tabata papia ora **E** a deklará na nan: 'Nunka **Mi** no a konosé boso; bai for di **Mi**, boso ku ta hasi **inikidat, inhustisia, maldat, perversidat, immoralidat, idolatria**.'" (**Mateo 7:21-23**).

Yeshua ta anhelá un **Relashon** den **Realidat i Bèrdat**.
Yeshua su **Amor** ta **Realidat i Bèrdat**.
Yeshua su **Promesa** ta **Realidat i Bèrdat**.

23 December 2016
Sea Bendishoná den e Amor di Yeshua Mesias
Rev. Remsly L Riley